



Phosphorvs sive Ioannes Baptista nativitas, vita, mors

Cabilliau, Baudouin

Lovany, 1642

Elegia 9. Ioannes è vinculis duos è discipulis mittit ad Iesvm; vt eum
Interrogent, sit Messias necne? Ad Legatvm.

[urn:nbn:de:hbz:466:1-70001](https://nbn-resolving.org/urn:nbn:de:hbz:466:1-70001)

Ioannes è vinculis duos è suis discipu-
lis mittit ad IESVM; vt eum
Interrogent, sit Messias
necne?

A D L E G A T V M.

Mitteris ab Syrijs scitatum oracula regnis
Edita, quæ vatum præscia vota canunt.
Idque vbi Iesseides terrâ Iesseide I E S V S,
Exequitur seræ grande salutis opus,
Atque rogas, magni stat iussa faceffere vatis,
Tu quis es? ô si fas; quærere magna lubet.
Tu proauum spes prima? salus tu prima nepotum?
Vltimæque æternæ sæcula pacis ages?
Adfore iam Syrijs te vox canit omnis in oris. (a)
Vota viri, geminant publica vota nurus.
Et pueri, queis fœda lues inoleuit auito
Crimine, quam nullis eluat amnis aquis.
Mors alios alio super aggere semper aceruus
Pensat, & imâ nigris regna triumphat equis.
Vt quid adhuc spes lenta suas suspendit habenas,
Nec properat iustam quam petit orbis, opem?
Indomito compesce potens, data fræna furori.
Te duce, pax niueis blanda recurrat equis.
Ergo celer cui vox omni sonat vnica regno,
Christe veni, lapsis rebus & affer opem.
Vnde tuus tantos mirabitur orbis honores,
Aureaque inde tuum nomen ad astra feret.
Aureus ipse veni, gens surgat vt aurea mundo,
Ac cœlo & terris aurea sæcla trahat.
Aureus his sæclis præfulget opinor Eous.
Nunc vbi tanta Syro diditur orbe salus,
Auspice te que prisca canunt oracula vatum
Consilio Diuum, iam noua sæcla fluent.
(a) *Toto Oriente sub hac tempora percrebuerat
sana, & Iudea Regem Regum nasciturus.*